

Parit tersumbat, rumput tinggi

BERIKUTAN cuaca yang tidak menentu sekarang ini diikuti hujan lebat beserta ribut petir menyebabkan paras air semakin naik di parit tali air di kebanyakan tempat.

Begitu juga keadaan di Kampung Sungai Kajang, Batu Pahat, Johor di mana parit tali air sudah dipenuhi dengan rumput yang panjang dan tebal. Tambahan pula dengan hujan lebat, paras air di parit - tali air semakin naik. Oleh itu, air tidak dapat mengalir dengan sempurna dek kerana rumput yang sudah tebal. Bimbang dengan cuaca yang tidak menentu dan kekerapan hujan lebat yang berlaku pada musim ini, perhatian dan tindakan dari pihak tertentu amat diharapkan.

Oleh yang demikian, mohon juga agar ketua kampung peka dengan permasalahan ini dan mengambil tindakan segera supaya kampung ini tidak ditenggelami banjir.

**ANAK JATI SUNGAI
KAJANG,**
Batu Pahat, Johor